

الذات بلاطات

كيرلس فيليب

مؤسسة يسطرون للطباعة والنشر والتوزيع



رئيس مجلس الإدارة

عماد سالم

المدير العام

أحمد فؤاد الهادي

مدير الإنتاج

أحمد عبد الحليم

الطبعة الأولى

الكتاب : ال ٧ بلاطات

المؤلف : كيرلس فيليب

تصنيف الكتاب : رواية

تصميم وإخراج : أحمد عبد الحليم

المقاس ٢٠ × ١٤

رقم الإيداع : ٢٠١٨ / ١٦٦١٠

الترقيم الدولي : 2 - 726 - 776 - 977 - 978

العنوان : المكتبة والمطبعة : ٣ ش صفوت - محطة المطبعة شارع الملك فيصل - الجيزة

التليفون : ٠١٢٢٩٣٠٠٠٢٩ - ٠١١٥٧٧٦٠٠٥٢

Email : yastoron@gmail.com

موقعنا على الفيس بوك : مؤسسة يسطرون لطباعة وتوزيع الكتب

جميع الحقوق محفوظة للمؤلف

إهداء

أعددت الإهداء قبل أن أكتب حرفاً في تلك الرواية
أهديك تلك الكلمات التي حاولت بها أن أدخل إلى أعماق
صراعمك، حاولت أن أجد منفذاً في داخل تلك البوتقة التي
وجدتني نفسك فيها.
أهديك كل تعب تلك الرواية، وليس تعبها فقط بل نجاحها.
فأنت أساس تفكيري في كتابتها .

خايفة.... محتاجه اظمن

انهارده ماما راجعه من الشغل حاطه في دماغها مشكلتي على
أساس إني مشكلة الكون علشان لسه متجوزتش .

جايه زعلانه أن صاحبتهأ قالت لها هي بنتك مفيش حاجه
قريب نضرح بيها

طبعأ أمي ردت ربنا بيعت

علشان تفتح بالجمله دي وصله مبتنتهيش

معلش أكيد ربنا هيعوضها بعريس كويس

إنتي عارفه بنت صاحبتنا نور

ما هي بردو اتاخرت في الجواز

بس الحمد لله أخيراً خدت واحد سفرها بره

وطبعأ السؤال المعتاد

هو يا اختي مفيش حد بيحي لبنتك

وأمي كالعاده ترد

لا بيجلها بس مش مناسبين

والفتحه الثانيه تبدأ

طيب بصي أنا عارفه عريس كويس ابن وحده صاحبة جارتنا،
أنا هشوفه ليكي ده شاب صغير ووارث وقمور وكمان مهندس ومعا
شقه متجهزه وكان بيدور على عروسة

وأمي متسكتش أبداً

يارب يا حبيبي أنا نفسي أجوزها واطمن عليها بقى

هو أنا تعب لماما قوي

وفعالاً أزمة الكون إني لسه مش اتجوزت.....؟؟؟

مش عارفه بس أنا مضايقتني زعلها بس أعمل إيه.....؟؟؟

أتجوز والسلام أي عريس.....؟؟؟

بس أنا خايفه

خايفه ميكونش حد يفهمني واتعب معاه

خايفه إني أبقى زي صحابتي اللي اتجوزوا، أو زي ماما، نفسي
اني أحب واتحب.

بس في جزء كبير حاسه فيه بالذنب جوايا إني مسببه لماما
تعب، بس هي مش فهماني ومش مستوعبه خوي، للأسف كل
الطنطانات معندهم شئ يحكوا فيه لما يشفوها غيري، أنا تعبانه
من تدخلهم في حياتي ومصمصتهم لشفايضهم لما يشفوني، وكل
وحده تتعامل معايا علي إني عندي مصيبه.

أنا بردو محتاجه حد في حياتي

نفسى أتحضن ويهتم بيا، ويقولى كلام حلو، وعنيه تلمع
وأمسك اديه يفسحني وأنام على صدره

أنا إنسانه وبحس وكلام ماما بيصحي جوايا إني محرومه من
كل ده، بس أعمل إيه....؟؟؟

لما أقعد أناقش ماما الغربيه إنها شايفه إن كل الرجاله زي
بعض وكل الستات هتتعب، وإن التعب ده حاجه من سنن الحياه.

وتقولى جملتها اللي بتستفزني جدا بعد كام سنه هتكونى زي
هي ليه مش مدركه إن كلامها بيرعبني مش بيظمني

أنا كل شئ بيوترني

إحساسى بالذنب من ناحية ماما

وكلام الطنطات اللي مخليني حاسة إني في مصيبه

وكمان مناقشتي مع ماما ده بتخوفني جدا

أنا مش عارفه إيه الصح....؟؟؟

أنا أصلا مش عارفه إيه اللي في الجواز....؟؟؟

نفسى ماما تقعد معايا تشرح لي إيه الجواز ده أساساً وتفهمني
براحة إيه عيوبه وإيه مميزاته

دايما بحس إن ماما مش قادرة تستوعب ولا تفهم حاجه من

اللي جوايا

كل فترة بلاقي ماما بتزود الضغط عليا
بإنها تقولي حد اتخطب خليكي انتي كده قاعده لحد ما
هتعنسي

بكره الكلمه دي
وبتوجعني جدا بحس نفسي مرفوضه
وفاشله لما بتتقالي
لما أروح الخطوبه أو الفرح
أسمع من كل ست قاعدة
إيه يلا علشان نفرح بيكي
أو انتي اللي عليكي دور بعدها
أو اتاخرتي كده كفايه عليكي
دي الجمل المبلوعه شوية
لكن في كلمات تاني صعبه جدا
ياحرام لسه متخطبتيش ؟؟!
أو ياخساره البنت جميله وحلوة بس ملهاش نصيب ربنا يعوض
عليكي

ده افتتاحية اليوم

وتكمل بقي الليله بوحده تيجي تتعد جمبي

وهي متعرفنيش تفضل تسأل أسئلة عجيبة وتطلب رقم بابا
علشان عندها عريس ليا

لما يكون في ست جمبي تاني يفتحوا لبعض استجواب وأنا
متفرجه مابينهم

ده كله تسخين

لحد ماتيجي فقرة عجيبه من الستات الكبيرة لو ابتسمت
أسمع شوف البنيت معندهاش دم مش حاسه أن سنها كبر وهتعنس

أكثر أسمع البنيت زعلانه الله يكرمها ويفرح قلبها بعريس يارب

بحس إني مش قادرة أعيش كل حاجه وكل مكان بيحكي في
نفس الموضوع بس أنا خايفه

خايفه من إني أختار

خايفه من إني مش فاهمه أي حاجه

خايفه من إني أعنس

خايفه من كلام الناس

خايفه أبقى لوحدي

خايفه من نظرات الناس ليا

خايفه من ماما وبابا يجبروني على أي حد

خايفه من المستقبل

خايفه أختار غلط

أنا نفسي أتجوز وأبقى سعيده

بس تعبت من التفكير في الموضوع ده

عايزة أريح شوية

بس مفيش مكان بقي فيه راحه كل مكان فيه كلام عن

الجواز تعبت عايزة أفصل شوية

أنا حاسه نفسي وحدي قوي وخايفه وضعيفه

ليه عليا أختار حاجه أنا مش فهمها

أيوه الجواز مش فهماه محدش فهمني ومحدش عايز يتكلم غير

في اني أختار

وأنا لما باجي أختار

بحس إنني عيلة قوي

وخايفه جدا

وبحس إنني مش قادرة

وبردو مش قادرة أستنى

وأقعد كده لأنني خايفه أكبر والعرسال تنقل أو أعنس

وكمان عايضة أرتاح من ذنبي تجاه ماما

أفكار كتيره قوي جايه في دماغي حاسه اني تعبانه قوي

حتي صاحبتني القريبه ليا هي كمان مش فهماني رغم إنها
سني بس مش حاسه اني عارفه أتكلم معاها هي مش عارفه تفهمني

أنا مش رافضه الجواز

بس نفسي أعيش حلو ومرتاحه

ومش عارفه إزاي مرتاحه لأنني مش عارفه الجواز ده بيعملوا
وبيمروا بيايه فيه علشان أقول هرتاح إزاي.....؟؟؟

أنا إحساسني إنني مش قادرة أسمع كلمه ولا حرف تاني، نفسي
أوقف كل حاجه وأهدى شوية وبعدين أكمل بس نفسيتي مش
متحمله أي كلام تاني.

بقيت بنام كتير علشان أتجنب أسمع أي صوت

حاسه إنني وصلت لمرحله عايضة أوقف كل حاجه وأفضل ثابتته

كده

أنا فجأة بقيت المفروض أكون مسئوله

وأخذ قرار مصيري زي ده

آه معرفش إزاي مصيري أو هياثر علي دنيتي إزاي بس الحمد

لله كله بيخوفني منه

بسمع الستات تقول كلام يرعب
طبعا فقرة ماما في الرعب ليها تأثير خاص
الغريبه إنها متخيلة إن حتى ولو الحكاوي دي مش فيها
بس ما هي ممكن تحصلي
فأنا أكيد بخاف

يبقى عايضة أقولها ياماما وقت ما اتجوز مش هتكوني معايا
هبقى بواجه وحدي بلاش تخوفيني أكثر ما أنا خايفه.
أنا طول حياتي مش بواجه وحدي، دايمًا بتكون ماما أو بابا
معايا، بس المرة دي محدش هيتحمل غيري وده مرعب جدا ليا.

مش دي المشكاه

ماما قابلتها طنط انهارده قالت لها في عريس ممتاز شكله حلو
مهندس ومعاه مكتب وشقه وعرييه
ثري عربي
الراجل كامل من مجاميعه

قدام ماما هي اللي مستغرياني تفكيري بتسالني دايمًا هو إنتي
عايزة إيه تاني، الراجل زي الفل وكامل

ياريتك تفهميني يا أمي، أنا مش فكرة مش عايزة أتجوز
أنا عايزة أجرب بس ياخوفي لو قولتلك كده هسمع منك
كلام زي الفل

بس يعني إنتي متخيلة إني هعيش مع واحد بيني وبينه
حياة هيتحكم فيها فيا من غير ما أعرف حاجه عنه غير عنده
إيه.....!!

أكيد عايزة أجرب أعيش معاه وأشوف هيعمل فيا إيه قبل ما
اتدبس ما أنا شايفاكى إنتي وبابا الحمد لله تفتحوا النفس إني
أتجوز فورا بصراحة

إنتي ليه عايزاني أعيش حياتك أو آخذ اللي ناقصك إنتي
هو إنتي ياماما فكرتي لحظة أنا إيه اللي ناقصني أو عايزة
إيه.....

أنا في البيت طول عمري بخرج وأهزر وألعب ممكن أشيل البيت
وانتي تعبانه أساعدك

لكن إني حياتي كلها تبق للبيت وللراجل ده حاجه مش عارفه
هنجح فيها ولا لأ وخايفه جدا منها
معرفش إيه اللي ممكن يحصل.....

مش من حقى أجرب دماغه وتفكيره هو إيه في اللي هياخذها
يحملها مسؤولية بيت دي.....

أنا مستحيل في يوم وليلة هبق أستاذة في تحمل شغل البيت
ومسؤوليته

إنتي نفسك تعبتي في البداية

جوازك ماكنش سهل لأنك متعرفيش دماغ بابا وتفكيره
كان إيه...؟؟؟

أنا خايفه أبقى زيك

مش عارفه كمان إيه اللي هيفرحني

إنتي شايفه اللي هيفرحني وهيكون تمام معايا الفلوس والمستوى
الاجتماعي

بس أنا مش عارفه

المشكلة إنك مش عايزة تفهميني

إنتي عايزة تقنعيني وخلص

طيب أقنتع إنه هيحب لي حلو بس هعيش إزاي في اللي جايبه
دي المشكله.....؟؟؟؟!!

فهماني غلط انتي

أو مش فهماني أساسا

أنا مش زيك هعيش حياتي قابله وراضيه بأي حاجة

وأزق الأيام علشان العيال

بردو ترجعي وتقوليلي كلمتك المرعبة اللي بتشل تفكيري
أما أشوف لما تبقى في سني هتعملي إيه أنا كنت بقول لجدتك
كده وفي الآخر بقيت زيها هي دي الحياه
وانتي صغيره بتتخيلي إنك هتغيري الكون ولما بتكبري وتجربي
بتعري في إن ظروف الحياه هتوصلك لتي كنتي رفضاه
أنا عذراكي لأنني كنت زيك
بس يا بنتي أنا عندي خبرة عنك، وبختار الأحسن ليكي
صدقيني أنا كلامك بيخليني أترعب؛ لأن لو الأفضل ليا زي
اللي عيشاه ده بيق مصيبه سوده.
أنا حاسه إن كل همك إنني مكبرش والناس تتكلم إنني مش
متجوزه آه منكرش إنك خبرة عني لأنك مريتي باللي ممرتش
بيه بس اللي أنا شيفاه إنك خبرة فاشله وكمان بتسجيني في
خبرتكم على إنها السكه الوحيديه في الحياه
أنا مش عارفه دلوقتي إنتي صح ولا غلط
مش قادرة أشوف أي حاجه بس مرعوبه
مش عارفه أصدقك ولا أصدق حلمي إنني ممكن أكون غيرك
والاختيارين أصعب من بعض؛ لأنني مش ضامنه المستقبل
هيكون شكله إيه.....؟؟؟
خايفه أختار أصدقك واندم

وخايفه أكثر أصدق نفسي واندَم

وخايفه من الوقت اللي بيمر

إيه الصبح إيه اللي ممكن يريحني في كل ده.....؟؟؟

مش عارفه ممكن يكون إيه الصبح ولا إيه الاختيار الأفضل
ليا بس اللي عارفاه ومتأكداه منه إني عايزة الفترة دي تعدي
وخلص .

عايزة أنا وأصحى ألقى أي شئ حصل وارتاح بقى من الدوشة دي .
ياريت كان في زرار أدوس عليه أعدي المرحلة دي وألقى في
حاجه حصلت واستسلم للواقع وخلص

أنا فعلاً مش عارفه أي حاجه

عندي إحساس إني لوحدني قوي ومحدث معايا ولا حد فاهمني
نفسني أخلص من اللي أنا فيه

تعبت من كل الدوشة دي وعايزة أرتاح

أنا فعلاً في أصعب فتره في حياتي وفجأة كل حاجه بتطور
وبسرعه ومطلوب مني قرار بس مش عارفه آخذ قرار

كرهت خوفي وضعفي واحساسني إني عاجزة وخايفه وصغيره

وكل ما أقول هستسلم لحاجه تظهر حاجه جديده تخوفني
أرجع لنفسي النقطة تاني

محتاجه حد يكلمني وأتكلم معاه وأحكي معاه عن خويي
بس كل حد بيقتعني بحاجه عكس الثاني وأنا تعبت كل حد
عايز يشدني لحتته
أنا زهقت من كل ده وعايضة أخلص

هو ده ممكن يحصل

انهارة كنت قاعدة مع صحباتي فيهم صديقة عدت ال ٣٠
ولسه مش متجوزه عندها شوية وجهات نظر في الجواز زي الفل.
طبعا اتفتح حوار الجواز ودي كأنها ما صدقت وكان معنا
صديقة متجوزه وكان الاتنين اتفقوا عليا.
المتجوزه أنا مشفتش غير أول كام يوم راحه وبعدين ابتدينا
يروح لأمه يسمع كلمتين يجي يسمم بدني بيهم
زيارة أمه دي بقي يوم النكد العالمي الست بتعلق على كل
حاجه وأي حاجه كأنني الجارية اللي جابتهاله وتنهى كلامها،
أنا أهم حاجه عندي راحه ابني على إني حيوانه مش بني آدمه زيه.
كل يوم بضرب نفسي بالجزمه على إني اتجوزت بعد كام يوم
دلح وحب وراحه ابتدينا بقى في الخناق والمشاكل بعد زيارات أمه
بالذات الست مش بتسكت حطاني في دماغها كأنني دورتها مش
مرات ابنها

وهو ابتدى يتلوي بدري قوي ملحقش يفرحني كام يوم بقي
عصبي، ومش حامل نفسه وأحياناً بحس في عنيه إنه هو كمان
اتصدم، أو حس نفسه غلط إنه اتجوز.

والمرار بقى لما عدت أول سنة، وأنا لسه محملتش انه مسبتنيش
في حالي وبصراحه مش أمه بس كله اللي يشوفني يقولي ربنا
بيبعث يا أختي متقلقيش وربنا هيعوضك بعيل ينسيكي التعب.

دول رحمه طبعا عن اللي تقولي بصدمه ليه كده طيب
مكشفتوش وأممه تلقح كلام إني معيوبه أو فيا مشكله

وهو بقي واحد تاني ممل والقعدة معاه لازم فيها خناق وأقل
طلب لازم يحسني إني مش بحس وطلباتي كتيرة وحتى
الخروجات بقت أحلام إني أنزلها

أحلى حاجه وهي بترغي في ده كله تنهي كلامها يابختك
إنتي حرة خليكي كده بلاش تتجوزي أحسن بدل ما تندمي طيب
إنتي عملتي الواجب اللي عليكي عقدتيني أكثر وخليتي خوي في يزيد

أهو أنا دلوقتي في دماغي ألف سؤال وسؤال

هو أنا ممكن لو اتجوزت أمر باللي مرت بيه هي ،

ياللهوي لو أنا خدت واحد وأممه عملت فيا كده وهو مش عايز
يخرجني ومقعديني في البيت

أنا مش عارفه هي فعلا ممكن يكون كلامها صح، أصل أنا
سمعت ناس كتيرة ذيها قالتها

بس يبقى أتجوز ليه أما مرار؟؟؟

بس أمي عايزاني أتجوز

مع كده أمي عارفه كل ده أكيد

طيب عايزة إيه الست دي عايزاني أترمط وخلص

أنا مش قادرة أستوعب دماغها بتفكر إزاي

طيب أنا مبعرفش أطبخ كويس دلوقتي

وشغل البيت بعمله بس وأنا قرفانه

ومبتحملش أمي لما تديني كلمتين في جنابي

ويحب أخرج واتفسح وأشم نفسي

وبزعل لما بطلب من بابا ويقول لي لا

ومش أنا اللي ممكن أتحمل حد يتدخل في حياتي ده خلاتي

لما يدخلوا أو أي ست كبيرة تيجي تتكلم في شئ يخصني مع ماما

مش معايا حتى يتضايق ببقى هتحمّل حماتي إزاي يعني .

ده تبقى مصيبه سودة لو العريس أو أمه فكّريني زي أمي فيا

صحة أشيل البيت كل يوم

ده بابا بيخرب الدنيا لو البيت مكرّب ويقعد يزعمق

ويحس أحيانا أن تيتا بتهيج بابا علينا

لو رجع البيت وملقاش الأكل بيتضايق ويبعكن الدنيا

ده أحيانا بيتلكك علشان يتخانق

هو كل ده ممكن يحصلي

وناقص كمان إنني أغير لطفل وأخليه ميصرخش وأفضل
مرعياه اليوم كله

ده أنا هشوف أيام سوده

إيه كل اللي اتفتح في راسي ده

لا وكلام صاحبتى العانس بقى زود الدنيا طين على دماغي

بتقول أن كل راجل وله طباعه

في ناس طبعا إن البيت يبقى على طول بيبرق

وفي اللي مبحبش يتناقش وميحبش حد يتكلم معاه عايز
السمع والطاعه

وفي اللي مش عايز يتحمل مسؤوليه خالص

وفي ابن أمه اللي كلمته من أمه

في اللي عينه زايفه ومبيتلمش

ده كملت القصيدة بكلامها

ده مش اتفضلت من الجواز ده كرهت الحياه

إيه كل ده أنا حاسه إن حد وصاهم عليا

هي ماما مفيش عندها خلفيه بكل ده
يعني إزاي عايزاني أنتحر واختار راجل
أصل ده مستحيل يكون غير عمليه انتحارية
أنا فعلا دلوقتي حاسه إني عيله قوي سبوني في حالي ده كل
حاجه فيها وجع وفيها طين
زي ما بتخيروا واحد بين الشنق والضرب بالنار
اختار إني أسمع كلام يجرح من الناس
ولا اختار عريس وأنا ونصيبي
ولا أروح أنتحر
هو فين الحب واللي بسمعه في الأفلام معقولة كل ده خيال
هو مفيش حاجه حلوة خالص كده
إيه القرف ده.....؟؟؟
أنا مش قادرة أشوف حاجه غير سودا
خايفه جدا جدا ومش قادرة ألقى حاجه وحده تظمن
بعد أن راجعت قراءة أوراق مذكراتها نظرت إله الدعوة التي
قدمت لها اليوم لحضور محاضرة عن الحب باسم السبع بلاطات.
تأملت الدعوه جيدا وتمنت أن تكون المحاضرة هذه تحمل شئ
مختلف.

ال ٧ بلاطات :

لازم علشان تلعب اللعبة دي تكون بتعرف تنشـن صح عندك
هدف عندك خطة

وقع أصغر بلاطه الأول أو متوقعش خالص علشان تقدر تحدد
قوة اللي معاك وتحدد إذا كنت هتهرب ولا هتجري وراهم

أوعي تحسس اللي معاك إنك بتستخدم ضرباته خليه دائماً
فاكر إنه بيتحداك وإنك في منافسه معاه

متضربش آخر ضربة إلا والكل متغفل

بعد ما توقع ال ٧ بلاطات هتصطاد اللي معاك إزاي؟؟؟

وانت بتصطاد اللي معاك لازم تكون هادي واستغل توتره علشان
يقع متنساش إنك في المركز الأقوى فمهما إن هوش هو ضعيف

أوعي تغلط وتطمع في كذا هدف في وقت واحد خطط لهدف
واحد اجبره يجبس نفسه اصطاده



البلاطة الأولى



القسطنطينية عام ١٢٤٣

سوق عظيم يبهر بعض النفوس التي تعشق الاستكشاف ويخيف
النفوس التي ترهب الغموض.

ينتظره الفقير لتحين له الفرصه ليرى ما يستخدمه الأغنياء
وأما حكام البلاد وشرفاء القوم ينتظرونه ليتنافسوا على الشراء
ويقف الفقراء متراهنين من يفوز بين المتنافسين على الشروه.

الفلاسفه لهم ركن المبارزة يتبارزون بالأفكار الفلسفيه وتبرق
أعين الأتباع باللمعه والانبهار بهم.

الشعراء لهم موضع أيضا فيقف الشاعر في الساحة يجلجل
صوته والنساء تغرم بكلماته والرجال يبتلعون الكلمات في أعماقهم
ليتغزلون بيه في النساء.

الأبطال أيضا لهم موضوع في السوق، هناك حلبة مصارعه
يتصارع فيها بطلين بأجساد ضخمه ويتراهن عليهم الرجال
بأموال والنساء بالقلوب والغرام.

ولعبه الأمراء وقواد الجيش المبارزة والقتال يقف أمام حلبتها
كبار رجال الدولة ونسائهم الجميع مشدود إله من سيفوز.

سباق الخيل لعبة الرهان يتراهن ذوي الأموال ويشاهد الفقراء
والمعدمين في صراع بينهم عن من الفائز،
فكل شخص في هذا اليوم يجد لنفسه متعه.

لكن فجأة تحولت الأعين في السوق تجاه فتاة في ال ١٥ من
العمر بيضاء كالثلج شعرها كصفحة مياه نهر هادئ عيناها في
صفاء لون السماء خذاها كورقة زهرة في استدارتها واحمرارها
من الخجل.

تمسك في يد رجل الشيب أظهر علاماته في شعره والسن جعد
وجهه، ولكن علي جسده تبرز ملامح القوة التي لم يهزمها الزمان.
وجهه أبيض محمر كبشرة طفل ملامحه تشير إله حكمة
السنين وهيبه تظهر عليه.

تكلم الرجل في أذن ابنته «وانتي ممسكه يدي فأنتي بأمان لا
تسمحي لأحد أن يغيرك أن تتركي يدي فإن جمالك سيجذب
الجميع إليك سيعرضون عليك بضائعه أعترف لك أنها مغرية

لكن يا فتاتي ثمنها سيفقدك الكثير فأرجوك أن تتمسكي بي»
نظرت الفتاة في عدم استيعاب لتحذيراته، ولكن هزت رأسها
علامة على موافقتها على كلماته.

كان الجميع من حولها ينظرون لها، ولكن لم يجرؤ أحدا أن
يتقدم لها خطوة واحدة.

غمز لها أمير وسيم وشاب عضلاته تبرز من جسده يرتدي
الحرير والذهب يلمع في يده وصدره وعيناه ترقان بلمعه مغريه
وابتسامه تبدو حانية.

تحرك قلب الفتاة، زادت دقاته، سرعت أنفاسها حينما لاحظت
عيونه تلاحقها.

اعتقدت أن أبيها لا يدرك ما يدور في داخلها، قالت لنفسها أبي
رجل وعجوز ما أدراه بمشاعر أنوثتي التي تنفجر في داخلي فأنا
أحتاج لحب هذا الأمير.

تقدّم الأمير في ثبات بين الجموع

انحنى بركبته أمامها يحمل زهرة حمراء رائعة وقدمها لها
كتحية.

نظر له الأب في تفحص ونظر إلى ابنته في صمت

علقت الفتاه عيناه بالأب لتعرف سيثور إذا ما مدت يدها لتأخذ
تحية الأمير، أم إنه سيصمت و يقبل بالأمر.

لم تجد في عيون الأب غضب، لكن نظرة غير واضحة لم تفهمها
من قبل.

امتلك على قلبها المشاعر زاغ عقلها في التفكير بالوردة الأولى
التي تُقدم لها.

إنها الهدية الرومانسيه الأولى التي تُقدم لها كيف تفوت على
ذاتها تلك الهدية الجميله التي لمست قلبها.

مدت يدها في اهتزاز وأمسكت الوردة

فأمسك الأمير يدها وقبلها، ورفع نظره للأب الذي كان
يراقب دون أي رد فعل منه:

- «أعتذر لك سيدي اغفاريوس فقد أذهب عقلي جمال سيدتي

الصغيره فأسكرني عن أن أقدم لك التحيه التي تليق بهيبتك»

في نظرة ثابتة وبصوت واثق :

- « لا يهم يابني فأنا أعرف جيدا تفكير الصبيان حينما يهوسون»

انتصب الأمير وفي نبرة تحدي :

- «قد أكون صبي بالمقارنة بعمرك يا سيدي وصدقت أن جمال

ابنتك أهوسني، ولكني أعتقد أنني للأميرة الجميله لست بصبي»

نظري في ابتسامة اغفاريوس «صدقت يا ولدي فأبنتي ما زالت

تجهل تقييم الناس فهي لا تزال صغيره، كما أنت أيضا لا تزال

تجهل تقدير الجمال فكم من فتاه اليوم انجذبت لها وركعت

أمامها موزعا ورودك وغامزا بابتساماتك وذائب العينين في تأمل

جمال جسدها.....»

اندهش الأمير من كلمات الرجل العجوز

تسمع الفتاه ويظهر عليها الانزعاج من رد والدها وتقول

لنفسها لا يهمني ما فعله مع من سبقني فهو فضلني عن الجميع

يا أبي ألا ترى نظرات النساء له أن الجميع يتمناه وهو يتنقل بين

الجميلات بوسامته وأخيرا اختار أن يأتي إلا فلماذا تضيع فرصتي

في أن أتمس الحب أم تفكر أنني سأتزوج بعجوز مثلك.

أدرك الأب صراع فتاته ولمح الأمير بعيناه الفتاه غير راضيه
فتمادى :

— «إن كنت بالفعل تقدمت للجماليات اليوم ياسيدي، ولكني لم
أجد جميلة مثل ابنتك فتركت الجميع وجئت إليها لأفوز
بها»

في نبرة حكيمة «إذا كنت تنبهر بالجماليات فتركهن اليوم لأجل
ابنتي فسيأتي اليوم الذي تترك فيه ابنتي لأجل من هي أجمل منها»
نظر له أفي إحباط وشعر أن محاولاته فشلت بعد أن لمح أن
كلماته أثارت الشك في قلب ابنته وعادت ملامحها إلى الاطمئنان
إلى حكمة والدها.

في محاولة أخيرة من الأمير المراوغه :

— «اسمح لي ياسيدي أن أسمع رأي الأميرة الصغيره فقد تكون رأيت
في عيني صدقا يجعلها تصدق مشاعري وإخلاصي لجمالها»
شعرت الفتاه برغبتها في أن تتكلم فضغطت على يد الأب
كاستئذان منه أن تتكلم.

فهم الأب حركة ابنته وصمت

نظرت الفتاه في عيون الأمير بهيمان، وذابت من لمعة عيناه
وزاغت أفكارها وتحكمت مشاعرها في عقلها.

نظرت للأب في استعطاف «يا أبي أعرف مدى خوفك علي،
ولكني أحتاج لمشاعره التي لمست صدقها فهو على حق لم يتقابل
مع فتاة حركت قلبه قبلي فقبل بأي منهم وهو فاقد الأمل، ولكن
استفارق حينما رأي و أنا أرى يا أبي في عيناه الصدق فأرجوك يا
أبي أن تتركني أتعرف عليه فأنت لا تُدرك عن مشاعري شئ»

ظهرت على الأب علامات الإجبار والرضوخ لرغبة ابنته:

- «ليكن قرارك يا ابنتي كيفما تشاءين، ولكن لتدركي أن ماترينه
الآن شعورا ما هو إلا مجرد رغبه في التميز على النساء السابقات
وقريبا ستكتشفين أنه أيضا يرغب فيك ليميز على الرجال
المحدين إليك فهو لم يستطع أن يحبك بل يحب ذاته»
في إصرار من الفتاه «دعني أجرب يا أبي وأكتشف ذلك بنفسي،
اتركني بحريتي أختار كما وعدتني أنك ستفعل»

هز الأب رأسه في صمت واستسلام وأرخي يده وسمح لابنته أن
تقلت يده من يدها، ولكن عيناه أمسكت بها برباط غير مرئي.

تقدّم الأمير في انتصار وأمسك بيد الفتاه :

- «لن تغيب ياسيدي سنذهب في نزهة قصيرة تتيح لنا أن نتعرف
أكثر وسنعود إليك»

في استسلام واضح على ملامح العجوز لم يبدي أي اعتراض

هو كده البلاطة الأولى اتضربت.....؟؟؟

انتظر ياعزيزي وراقب في صمت فما زالت اللعبة لم تبدأ بعد
فتلك الخطوة ليست إلا تمهيدا للعبة.



البلاطة الثانية



في قرية بني عيش في مصر عام ٢٠١٥

تعالَت الأصوات داخل القاعة «ماذا حدث للفتاه.....؟؟؟»
وتناقش الجالسون في انجذاب فكرهم إلى قصة الفتاه واغفاريوس
تنافسوا فيما بينهم عن ما حدث لها

ظل المحاضر صامتا ولم ينطق إلى أن هدأت القاعة، وانتبه
الجميع في انتظار إجابة لسؤالهم:

- «أعرف شغفكم بمعرفة أحداث قصة الفتاه والأمير، ولكن
أرجوكم أن تنتظروا لتفهموا اللعبة»

فصمت الجميع في عدم استيعاب، ولكن مرغمين

في قرية بني عيش كانت تعيش أميرة الفتاه اليتيمه التي
يعطف عليها كل أهل القرية.

فتاه في ال ٢٠ من العمر غايه في الجمال والأنوثه، فلاحه
بسيطة، ولكن جسدها متفجر بملامح الأنوثه الناضجة الكامله
تبهراً عين كل من ينظر لها، ولكن يخافها الجميع فرغم جمالها

فهي حادة الطباع تحاول أن تحمي نفسها من رغبات وأهواء أهل القرية الذين ينظرون لها كفريسه بدون حمايه ويسيل لعابهم وهي تتحرك أمامهم بجسدها الأنثوي ويحلم بالفوز باليلة معها كل من يراها .

كان في القرية رجل غني جدا يملك أغلب أراضي القرية كلمته تحكم على الجميع فهو صاحب أقوى نفوذ في القرية . حينما كان يرى أميرة الجميلة كان يعطف عليها بالمال الكثير وينظرات أبوة واحترام يحتويها .

كانت الفتاه لا تأمن في المدينه إلا هذا الرجل فهو حمايتها بعد طباعها العنيفه .

تقرب الرجل إلى أميرة بدون أن يظهر لها أي نوايا تهددها فاطمأنت له الفتاه ونادته «أبا منتصر»

في يوم اجتمع منتصر وثلاثه من الغرباء عن القرية وانطلق بهم بسيارته إلى قرب بيت الفتاه الذي يقع في أطراف القرية وأشار لهم على البيت، ونزل الثلاثه متلثمين إلى منزل الفتاه بأقنعة تخفي وجوههم وهجموا على البيت ليجدوا الفتاه نائمه في سلام .

فَزَعَتْ من منظر الشَّبَاب الذين حاولوا أن يغتصبوا جسدها
وهي تصرخ لكن لا مُنجد.

شعرت أن الحياة ضاقت بها وأنه لا مفر من أنياب هؤلاء الذئاب
الثلاثة.

حاولت أن تمسك بأي شئ تدافع به عن نفسها وزاد توترها،
لكن الثلاثة في ثبات يثيرون رعبها.

إلى أن كتفها الرعب فسقطت على الأرض في أحد أركان
الغرفة ضامة أرجلها إلى صدرها، وتبكي فاقدة الأمل من الإنقاذ.

وإذا بعد لحظات تجد الرجل يضرب طلقات نار في الهواء ويفر
الثلاثة هارين تاركينها.

تجري إلى أحضان أبو منتصر وتبكي في حضنه وهو يطمأنها
بيده وحضنه الدافئ:

— «اوعي تخافي يا أميرة وانا على وش الدنيا أنا موجود علشانك»

أمسكت فيه أميرة بكل قوتها وتشبثت في حضنه لبعض الدقائق
وقالت :

- «أبا منتصر أنا مرعوبه أرجوك متسبنيش هنا، أنا هروح معاك أي حته وابق خدامه تحت رجلك بس متسبنيش»
نظر لها في حنان وشفقه :

- «أنا مش هسيبك تاني يابنتي متخافيش انتي خلاص مينفعش تعيشي هنا وحدك هاتي هدومك وتعالى يلا هتسافري معايا مصر»

مسحت دموعها بأكمام جلبيتها وجرت تبحث عن ملابسها وهي منتفضه في فرحه وسرعه وخوف

ينظر لها في صمت وابتسامه «ايه ده سبيي هدومك خلاص أنا هجيبلك هدوم من مصر يلا تعالي نمشي من هنا» .

خرجت الفتاه معه وتركت كل شئ وهي تعتقد أنه الجنه والأمان والحياه التي تحلم بها .

ركبت السيارة مع أبا منتصر وغادروا مدخل القرية إلى القاهره ولم ينطق أحد منهم بكلمة .

ومن التعب نامت أميرة على كرسي السياره ولم تشعر إلا بالرجل يهز كتفها «وصلنا يا أميرة يابنتي يلا»

وقفت السيارة أمام قصر فخم وضخم جدا نظرت الفتاه
واتسعت عيناها كأنه حلم اندهاش شديد ظاهر على ملامحها:

- «إيه ده يا ابا ده أكبر من القرية كلها يا ابوي»

ابتسم لها في خبث «ده بقي بيتك يابنتي»

رقصت البنات في فرحه وقفزت من السعادة ووضحت عليها
معالم الضحك والأنبهار.

دخل الاثنان القصر الملى بالخدم والحراس والجميع يرتدي
البدل الفخمه التي كانت تراها أميرة في التلفزيون فقط.

لفت أميرة في القصر وطار عقلها وانبهرت، وقالت لنفسها :
«وصلت للجنة الآن»

أمسك أبا منتصر يدها وصعد بها إلى غرفه كبيرة جدا بها
حمام خاص ملحق بها وسرير كبير ودولاب وتاكيف والفتاه لم
ترد ذلك بحياتها يوما فكان كل ما تقع عليها عينها انبهار جديد.

وفتح لها أبو منتصر الدولاب الملى بالفساتين شبه العاريه
فساتين سهرات.

جريت أميرة على الدولاب وأمسكت الفساتين في انبهار شديد
«أنا هلبس ده يا ابوي ده عريان قوي بس فخم قوي ده زي ابتاع
الممثلات»

ضحك الرجل وعيناه ترقان بلمعة خاصة:

- «أحضرت لك بعض الملابس حتى تعتادي على هذه يا حبيبتي».
وفتح لها أحد أبواب الدولاب فوجدت تشكيلة من التيشترات
والبلوزات الرائعة.

فرحت جدا الفتاه بكل ما رأت وانبهرت جدا وكانت تتنطط
من الفرحة.

ولكن لم تلاحظ الفتاه الأميه التي لا تعرف القراءة والكتابه
الكلمات المطبوعة على جميع الملابس

فانطلق الرجل مغادرا الغرفه وتركها في انبهارها

والفتاه ترتدي الملابس وتغير بينها في فرحة تظهر علي كل
ملامح وجهها وتراقب نفسها في مرآة وتفرح بجمالها وأنوثتها
فهي تشبه الآن نجومات السينما التي كانت تراقبهم في التلفزيون.

ترقص في أنحاء الغرفة وتلعب بانبهار في ريموت التاكيف
وتتنطط على السرير.

ودخلت الحمام تكتشف تلك الغرفة الجديدة التي أصبحت
ملكها .

اندفعت لتجربة كل شئ جديد في عالمها بانبهار وعدم تصديق.
وهنا تبدأ المرحلة الأولى أنك تستخدم ضربة خصومك في
اللعبة لتفوز.

ظهرت علامات عدم الفهم والتعجب والدجر من المتكلم
وعليت الاصوات في غضب وثورة من عدم فهم أي شئ، وبدأ
بعض الحاضرين في الانسحاب.

فوقف المتكلم على باب الخروج

أعرف جيدا أنكم لا تفهمون ما أقصده، ولكن انتظروا قليلا
ستتضح معالم اللعبة.

فعاد الجميع في ضجر لمقاعدهم وفي رغبته فضوليته لمعرفة
ما يدور في ذهنه وما يقصد من تلك القصص غير المترابطة.

فنظر لهم بابتسامه حتى الآن تسير الأمور كما أريد لها
وابتسم.

لكن الجميع تناقشوا فيما بينهم في غضب وعدم فهم وانتظروه
أن يكمل ما يريد ليصلوا لفهم مقصده.



البلاطة الثالثة



هل من الممكن أن تجيب على أسئلتنا قبل أن تنتقل إلى قصة
جديده.....؟؟؟

لا أعتقد أن الأسئلة التي تدور في أذهانكم لها علاقة من قريب
أو بعيد بمبادئ وقواعد اللعبة.

انتظروا وسيتضح كل شيء.

زاد صوت ضجر الجالسين وظهرت ملامح الملل واضحة عليهم.

سنعود إلى القسطنطينية الآن واغضاريوس وابنته والأمير.

أمسك الأمير يد الفتاه الصغيرة وتحسس بأصابعه نومه
بشرة يدها وبدفئ تجويف يده أثار في داخل الفتاه لهيب من
مشاعر أنوثه لم تتذوقها من قبل بدأ وعيها يذوب من فيض المشاعر
الأنثوية التي تخترقها.

وذابت عيناها وأجفانها أضيقت.

شعر الأمير بثورة جسدها.

فهمس في أذنها بهواء أنفاسه الساخن «أحبك» ونطقها

بحروف متقطعه

لم تكن الفتاه تتمالك نفسها والأحاسيس الجديدة التي شعرت
أنها تملك جسدها الآن.

والأمير زاد في سخونة لمساته لجسد الفتاه الصغيره ويقرب
منها وهي كادت أن تستسلم.

ظل الاثنین في صراع يتقدم فيه الأمير إلى أعماقها وتنسحب
هي منها قواها.

مشي الاثنین عبر السوق.

ينظر الجميع إلى الأمير حاسدينه، فقد فاز كعادته بقلب
أجمل أنثى.

وتتصارع أنفاس الفتاه مع كل كلمة تخرج من الأمير في
وصف جمالها وإبداعها وحبها لها.

اقترب الاثنین من خيمة خاصة للأمير في آخر السوق

دعاها للدخول لم تتردد أن تدخل وهي مغيبه العقل ساكرة
بمشاعر قلبها.

جلس الأمير إلى جوارها.

تلمس جسدها بأطراف يده.

جعل ثورة من نار تسير تحت جلد بشرتها من آثار تقابل
أصابعه مع جسدها.

فجأة دخل افغاريوس الخيمه وفي يده فتاه باكية:

- «لتخبري ابنتي من أنتي وماذا فعل بك هذا الشاب.....؟؟؟»

نظرت الفتاه الباكيه في خجل لفغاريوس :

- «أنا كنت أحد ضحاياه قبل أن تأتي أنتي فخدعني؛ لأنني كنت
أجمل فتاه، وبعد أن وجد الأجمل مني وشعر أنني لم أعد ذات
فائده له.

كنت قد أحببته وأحببت لمساته وأنفاسه وكلماته وتغزله في
جسدي ومعاملته لي بعشق.

لم أحتمل تركه لي.

لم أحتمل أن أعيش بدون تلك اللحظات فقد أصبحت محتاجه
إلى تلك المشاعر، غير قادرة على الاستغناء عنها.

فقبلتها ممن هو أقل شأن من الأمير وأقل تقدير منه لمجرد سد جوع ولد داخلي ولا أحتمله.

والآن أقبل سد جوعي من أي حد لأنني لا أحتمل أن أعيش فالواقع أن كلماته ولساته وأنفاسه جعلتني أسيرة لست بحرة الآن.

ففي أيامي الأولى كنت أعيش كيفما شئت وأفعل ما يحلو لي قبل أن يخدرني ويأسرني كنت حرة، ولكني لم أعد حرة مجدداً

صُدمت الفتاه الصغيرة وشعرت بالخوف وشعرت أنها بالفعل بدأت تشعر بكلمات هذه الفتاه فهي أصبحت تشعر برغبتها في لساته وحضنه وكلماته.

بدأت الدموع تنهار من عيناها وجريت إلى الأب ورمت نفسها في حضنه.

لف الأب يده حول جسدها وكأنه يريد أن يخفي جسدها بجسده.

ونظرت عيناها من بين أذرع أبوها للأمير الذي لم يستسلم بعد.

فنهض من على مجلسه:

- «قد أكون كما تقولون وقد عرفتني ما يدعون به أنهم فضحوا أمري، ولكني سأخبرك بكامل الحقيقه فما قالوه ما لا جزء منقوص من الحقيقه.

كل الرجال هكذا مثلي فإن العيب ليس في يا حبيبتي،
ولكن الأنثي هي من تملك أن تجعلني في يدها إلى الأبد أو أن
تجعلني أهرب منها إلى الأبد.

فللأنثي فنون تعلق قلوب الرجال بها.

وهذه الفتاه التي سبقتك لم تعرف أي شئ عن فنون إرضاء
الرجال فكان مصيرها ما حكيت، ولكنك أنتي ياعزيزتي تختلفين
عنها كثيرا فلا تربطين مصيرك بمصيرها».

نظرت له الفتاه وهي تحاول أن تستوعب الكلمات مابين حيرتها
في صدق كلماته و مابين أمانها أباه الرجل العجوز الذي ينظر
لها ويتمني أن تصدق حلمه لها في حياة ارتباط سعيدة كما
يتخيلها لها.

وشعرت الفتاه أنها في صراع بين واقعين قد يكون كلام صحيح
ويظهر على تصرفات الرجال وأيضا كلمات الفتاه صحيحه وقد

تعبير عن مصير ينتظرها أما حلم الأب لها فهو ما لم تراه في أي
رجل ولا تجد من يؤمن به غير أبها .

بدأت الدموع تظهر في عين بعض الفتيات الجالسات وشعرت
نيرة برعشة في جسد صديقتها فمدت يدها لتمسك يد صديقتها
وتحتضنها بين ذراعيها .

وفي هذه المرة لم تهيج القاعه بل صمت الجميع في حزن خيم
على أغلب الحاضرين .



البلاطة الرابعة



سأنتقل معكم أيضا إلى أميرة في هذه البلاطه التي يلعبها
خصمك في اللعبه قد تكون هذه البلاطه أحد أهم الخطوات في
اللعبه.

ارتدت أميرة الملابس التي أتى بها أبو منتصروهي تقف أمام
المرأة تلاحظ روعة جسدها وأنوثتها الظاهره بشكل جيد مميز
وبارح الجمال فهي لأول مرة تكتشف جمال جسدها ونراها بهذه
الصورة.

سمعت خبطات رقيقه على الباب ففتحت الباب لتجد خادمه
بشوشه مبتسمه وتظهر عليها ملامح الحنو والرقه.

حينما رأت أميرة ظهرت ملامح التعجب على ملامحها: - «أنا
خادمتك رغدة ياسيديتي أوصاني مستر منتصر أن أهتم بك
واعلمك ماتريدين في حياتك الجديده»

فرحت أميرة جدا بكلمة خادمتك فشعرت أنها أصبحت
كبطلة لأحد الأفلام التي كانت تسمعها في البلد:

- «جيد يا رغدة أنا بالتأكيد سأحتاج إليك لأعرف الكثير»

نظرت لها رغدة في صمت وتظهر عليها علامات من الحيرة
عندما قرأت الكلمات المكتوبه على ملابس أميرة، ولكن أميرة لم
تبد أي اهتمام بهذه النظرات :

- «أتحبين أن تخرجي في نزهة سيدتي»

هزت أميرة رأسها في فرح وحماس، وبالفعل أمسكت يد رغدة
وجذبتها للخروج لتزيها المدينة التي سمعت عنها كثيرا والتي
اشتاقت أن ترى من فيها.

بعد أن خطت أبواب الفيلا بخطوات قليلة لاحظت أن كل من
يقابلها ينظر إلى ملابسها ويقول لها كلمات ذات إيحاءات جنسية
صريحه وبعضهم يعرض عليها ممارسة الجنس.

وكانت تفاجئ الفتاه من رد فعلهم عليها حينما ترفض
يقولون لها «أنتي عاهره قدرة لماذا ترفضين الجنس أهل المقابل أقل
مما تأخذينه؟»

سألت أميرة رغدة عن سبب تعامل كل من يقابلها معها بهذا
الشكل وبتلك الردود

في نظرات حزينه قالت لها «هذا الطريقه هنا ياسيديتي التي يتعامل بها من مثلك»

استعجبت أميرة جدا من كلمات رغدة ورنّت في ذهنها أفكار تربط بين نظرات الرجال في القرية ومحاولة اغتصابها وبين كلمات الرجال هنا في المدينه وقالت لنفسها «أهل خلقت للجنس.....؟؟؟ أهل هذا دوري في الحياة.....؟؟؟ إذن لماذا أرفض أن أكون كباقي النساء ما دام هذه حياة من مثلي.....؟؟؟ أهذا لأن أمي ماتت قبل أن تعلمني شيئاً فصرت رافضة للجنس.....؟؟؟»

قررت أن تعود إلى البيت وطلبت من رغدة أن تعود بها وتكفي هذه الجولة.

عادت الفتاه بالفعل إلى غرفتها.

غيرت ملابسها وجلست وحيدته تفكر إلى أن تعبت من التفكير في كل شيء.

فقررت أن تفتح التلفزيون لتجد كل الأفلام فيه تديع أشياء لها علاقه بالجنس، وأغلب بطلات الأفلام تمارس الجنس والرجال يطلبون الجنس.

تساءلت الفتاه في ذاتها يبدو أن هذه هي الحقيقه التي أخفت
عني ولم أعرف عنها شيئاً؛ لأنه لم يوجد من يعلمني.

نادت أميرة على رغبة فأتت إليها مسرعة.

سألتها عن عملها :

- «أنا خادمة هنا يا سيدتي وأعمل منذ أكثر من ١٠ سنوات في
هذا المنزل».

دار في رأس أميرة أن تسألها عن الجنس ومعلوماتها عنه
بصفتها السيدة الوحيدة التي تواصلت معها أميرة بشكل شخصي
منذ أن كبرت.

فهي لم تكن تتعامل مع أحد بشكل أعمق من علاقات البيع
والشراء ولا تعرف عن الحياة أي شئ من بعد موت أبيها :

- «إنت قولتي إنك هنا لأجل مساعدتي وتعليمي فهل يمكن أن
أسالك عن الجنس.....؟؟؟»

اعتقدت رغبة من سؤال أميرة إنها تريد أن تعرف الفارق بين
ممارسات الجنس في القرى والقاهرة:

- «أنا حقا لا أعرف كثيرا عن عادات أهل القرى، ولكن أعرف أن الجنس هنا أمر طبيعي بين الرجل والأنثى»

رنت كلمات رغبة في ذهن أميرة التي ظهرت عليها علامات الاندهاش من كلمة أمر طبيعي بين الرجل والأنثى.

شعرت أنها لو تمادت في أسئلتها ستظهر جهلها فحاولت أن تداري اندهاشها:

- «أنا أعرف ذلك لكني لا أعرف ممارسات الجنس كيف تكون هنا وأحتاج إلى أن تعلميني ذلك»

نظرت لها رغبة في اندهاش من طلباتها:

- «أمرك سيدتي أتريدين أن تمارسين الجنس مع رجل أستطيع أن أحضر لك ما شئت هو سيعلمك أفضل مني»

فكرت أميرة في كلماتها والبساطه التي تتكلم بها عن ممارسة الجنس وجلب رجل بسهولة، وشعرت أن هذا أحد سمات عالمها الجديد، لكن خافت من أن تأتي برجل: «أنا اريد فقط أن أرى بعض الممارسات هنا»

ابتسمت لها رغبة «قد فهمت مقصدك يا سيدتي»

وأحضرت لها قناة جنسية علي شاشه التلفزيون

أميرة نظرت في اندهاش وتعجب وخوف

لكن تملكته مشاعر الفضول لاكتشاف عالم البالغين أكثر
فظلت تنظر إلى الشاشة في حالة من الدهول وتنظر إلى تعبيرات
الفتيات التي يبدو كل منهم في غاية السعادة والاستمتاع .

شعرت الفتاه لأول مرة برغبة غريبه في جسدها ومشاعر غير
مفهومه وبعض الانقباضات أسفل بطنها وفي صدرها .

لكن خشيت أن توضح ذلك لرغبة حتى لا تكشف جهلها على
اعتقاد منها أن ذلك سيقبل من شأنها أمام خادمته المتمدنه .

نظرت رغبة لها في صمت .

بعد لحظات قطعت الصمت : «أتحبين أن أتركك سيدتي

لممارسة العادة السرية»

رنت الكلمة وأسئلة كثيرة تصاعدت صوتها في عقل أميرة عن

معنى كلمات رغبة .

شعرت أنه أفضل أن توافقها الرأي حتي لا ينكشف جهلها .

فهزت رأسها وأشارت لها بالخروج .

انسحبت رغدة من الغرفة في صمت والفضول يتحكم في ذهن
أميرة .

قالت لنفسها أن هذا ما تفعله الفتايات يجب أن أتعلم ما يحدث .

بدأت في تقليد ما تراه عبر الشاشة .

بدأت تشعر بنوع من اللذة والفضول ومشاعر غريبة تجتاح
جسدها .

صمت المحاضر للحظات وهو ينظر في أعين الجالسين ويرى في
أعينهم الانجذاب للمحاضرة:

- «هذه النقطة الجوهرية في اللعبة الآن أحد أهم المحاور في لعبتنا»

بعد كلماته حاجت بعض الأصوات في كلمات هامسة بينهم
عن ما يقصد بتلك اللعبة وأبدى بعضهم الرفض لما يقوله .

انقسمت القاعة بين صامتين يريدون أن يعرفوا النهاية وبين
غاضبين من طريقة تقديمه للجنس ومناصرين للمرأة، وبين
متشددين دينيا رافضين هذا الأسلوب بالمرة .

قطع كل هذه الاعتراضات بصوت ثابت :

- «أنا أعرف جيداً مايدور في أذهانكم الآن، لكن أرجوكم أن لا
تحكموا الآن وانتظروا حتى النهايه»

في غضب صامت وإجبار من الفضول استمر الجميع في انتظار
مثقل ليسمعوا ما ستصل إليه تلك المحاضرة



البلاطة الخامسة



هذه البلاطة هي تكملة لخطوات فوز اللعبة فهي أحد أهم أركان اللعبة.

الجميع صامت أمام المحاضر ينتظر كلماته القادمة وينتظر الانتقال للجديد في محاضراته.

نعود إلى افغاريوس والأمير وابنته والفتاه

افغاريوس نظر لابنته في شفقة وفكر في حكمة بما يدور في ذهنها من كلمات الأمير:

- «أعرف يا ابنتي صراعتك بين ما تريه واقع الرجال وواقع للنساء، أعرف أنك الآن تختارين بين نقيضين الأول رغبتك في أن تشعري بالحب، والثاني خوفك من أن يكون مصيرك كتلك الفتاه وأنا أزيد صراعتك على الهامش بكلماتي عن الحياة التي أتمناها لك والتي أتمنى أن تعيشينها وأعرف أنني أظهر لك كرجل عجوز حالم يتكلم بعيد عن الواقع والحياة التي تريهنا الآن في ذلك السوق.

أعرف من نظراتك انتظار رد مني يساعدك، لكنك لا تدريين خوفي أنا أيضا.

لأن من يوم اختيارك للزوج سأكون عاجزا عن فعل شئ فإن
أهانك أو أساء معاملتك ستجديني بيتا تلجئين إليه، لكن لن
أملك وقتها شفاء ما مررتي به من خيرات، أخاف من أن أصير
يومها عاجزا أمامك ولا أملك حيلة تجاه جرحك وألمك.

أنا حينما دعوتك معي لهننا كنت أخاف ذلك اليوم منذ
مولدك، وكم أجلت وهربت وقولت لنفسي ما زال هناك وقت.

التأجيل لم يسعفي وجاء وقت تختارين فيه

أستطيع أن أستخدم سلطاتي كأب وأمنعك عن هذا أو هذا،
ولكن إلى متى؟!

وكيف ستريين تصريفي هذا...؟؟؟

فأنت بالفعل لا تفهمين شيئا وليس لديك خبرتي في الحياة.
قد تدينيني يوما إنني منعتك وتعتقدين أن ما منعتك عنه
كان اختيار أفضل مما سوف تختارينه.

أنا قررت أن أغريك واقنعك يا ابنتي بأفكاري أنا الرجل
العجوز وأترك في يدك الاختيار.

بهذا لا أتخلى عنك يا ابنتي، ولكن هذه هي سنة الحياة التي تحكم عليا بعد كل ما مررت بيه في الحياه أن أترك لكي الاختيار الآن أن تقتنعي برؤيتي وتختاري حسب أفكارني وثقتين في أم تختاري حسب ما يقنعك به المعجبون بك والعالم من حولك.

لا تنسي يا ابنتي أن جوازك لن يغير حقيقة أنك ابنتي التي أتيت بها للعالم لأجل أن تعيش سعيدة وأن أحبط حلمي في سعادتك سأكون أجمت في حقك، ولكني لا أعرف أيضا خبرتي في الحياة أهي الأفضل لك أم لا

فأنت ليس أنا.

وخبرتي تجعلني أختار الأفضل لي أنا يا ابنتي، وليس الأفضل لك وأخاف يا حبيبي الصغيرة أن يكون الأفضل لي لا يناسبك أو لا يليق بك.

كل ما أملك الآن أن اترجاكي أن اسمعي مني قصتي وكيف كنت خبرتي وإذا رأيت أنها تناسبك أو تساعدك أن تكوني اختيار فهذا كل ما أملك الآن يا بنتي لمساعدتك في صراحك.»

نظرت له الفتاه الصغيرة وهي تسمع كلماته باهتمام وشفقة على الرجل الذي لم تره في مثل هذه الهيئة من قبل.

في تحدي من الأمير لافغاريوس :

- «ما الذي تحاول أن تقوله، أتحاول أن تقنع ابنتك أنك كنت

مع أمها مختلف عني معها الآن.....؟؟؟ أم تحاول أن تمنع

ابنتك عن الزواج خوفاً من أن تصير مثل أمها.....؟؟؟»

ويكده اللعبه ابثدت تمشي في خطوات ثابتة وبقيت زي ترس

مقفول من كل النواحي، على اللعبيه اللي معاك

تأمل المحاضر للحظات، الأشخاص الجالسون

من بينهم من فقد الأمل، ومن بينهم من أثير فضوله ليصل

إلى نهاية مقصده.

ومن بينهم من ملّ وعزم على ترك المكان، لكن كانت نسمة

صديقة نيرة ملتفتة، وكان هذا الرجل أخرج صراعاها في كلماته.



البلاطة السادسة



سنعود الآن إلى أميرة الفتاة الريفية في فيلا أبي منتصر
وأعرف جيداً أن الكثير منكم ملّ من كلامي، ولكن لم يتبق إلا
القليل جداً لتضح الصورة كاملة لأركان اللعبة.
توقف عن الكلام للحظات وترك الجالسين يتبادلون الكلام
فيما بينهم.

بدأ يشرب من فنجان قهوة في استمتاع، وكأنه اقترب من إنجاز
مهمته بنجاح.

تقدّمت له نسمة في خطوات ثابتة وفي عيناها لمعة إعجاب:
- «إنت أخرجت صراعي الحالي وهذا ما أمر وأفكر بيه فهل لديك
حل في نهاية الكلام، أم أنك ستعرض المشكله فقط»
نظر في عيناها بشكل مباشر ونظرات حنان قابلتها عيناها
بإعجاب:

- «بالتأكيد لدي حل وأشكرك أنك ربطتي بين أحداث حياتك
وبين محاضرتي»

عادت إلى مكانها ونيرة تنظر لها «الموز أبو عيون حلوة ده لو
قربت منه زيك كنت هترمي في حضنه ومحدث هيقدر يرحمه
من يدي»

فضحكتُ نسمة .

بدأ هو يتحرك ليعود إلى تكملة محاضراته .

أميرة عملت على تقليد لما تراه في شاشة التلفزيون من ممارسات
وظلت هكذا أيام .

لكن بدأت تشعر برغبة في أن تمارس دورها كأنثي شعرت
باحتياج لرجل يكون معها في غرفتها .

فنادت على رغبة بصوت عالٍ، وكانت تجلس على السرير عارية
بالكامل لا يستر جسدها شيء فقد ذهبت عنها كل ملامح خجلها:
- «قلت لي إنك تستطيعي أن تحضري لي رجل فأطلب منك الآن
أن تحضريه لي»

هزت رغبة رأسها وغابت دقائق وعادت وعلى الباب أبو منتصر
ينتظر أن تشير له بالدخول :

- «أحضرت لك الرجل ياسيديتي»

انتصبت أميرة واعتدلت في جلستها وأشارت لها أن تسمح له
بالدخول .

فزعت أميرة وخجلت حينما رأت أبا منتصر يدخل،

ولكن هو احتضنها في رقة :

- «أست أنا بالرجل المناسب لك يا حبيبتي »

شعرت الفتاه ببعض الخجل «أتمني أن تكون أنت أول رجل لي
يا أبا منتصر»

نظر وابتسم لها وأشار لرعدة أن تغلق الباب .

وفي لحظات صار عارياً هو أيضاً، وأمسك بالريموت ليغير
القناه ليأتي بقناة فيها نوع خاص من الجنس «الغير سوي»
تنظر الفتاه في فضول :

- «ما رأيك أن تمارسين معي بهذه الطريقه.....؟؟؟»

نظرت له وبطنها تنبض ويدها ترتعش :

- «أي شئ منك يا أبا منتصر سيكون رائعا»

بالفعل انتهش الرجل جسد أميرة .

وكلما حاولت أن تقاوم يقول لها «جميع النساء يقبلون بذلك
احتملي»

ورضخت الفتاه تحت ثقل كلمة «كل النساء تقبل ذلك
احتملي»

ومرت الأيام من تلك الممارسات الغير سوية، وبعد أن شبع
الرجل منها. دعى أصدقاء له لممارسة الجنس معها

وفي أحد المرات قرأ رجل الكلمة التي على ملابسها فكانت : «أنا
عاهره أتمنى أن تنام معي»

صمت للحظات، وكأنه يستثقل ما سيقول لاحقا واستجمع
قواه :

- «هذه الضربه هي بداية نهاية اللعبة»

هذه المرة لم يتكلم أحد في القاعة ولكن يبدو على الجميع
الحزن والكآبة.



البلاطة السابعة



تُعتبر هذه آخر خطوات اللعبة مرحلة النهاية وسقوط المعافرين .
ابنة افغاروس بعد كلمات الأمير شعرت بالفعل أن أبها لا
يختلف عن الرجال الآخرين فهو كان زوج للأُم يتشاجر ويضرب
أحيانا، ولكن هو بارع في تقديم نصائح وكلمات، لكن في حقيقة
الأمر هو أيضا كان زوجا قاسيا .

تذكرت الفتاه كل ما كانت تراه بين أبوها وأمها من شجارات
وخلافات ومنازعات تذكرت أيام بكاء أمها وأيام إهمال الأب لهم .
وكان الفتاه فتحت عينها وكأنها تقابلت مع الحقيقه التي
لم تريد رؤيتها من قبل .

كان صراع الفتاه بين زوج مثل أبيها أو رجل مثل ما فعل
الأمير مع الفتاه السابقه لا يوجد خيارات أخرى أمامها حياة
جحيمية ولك أن تختار أي جحيم تموت فيه
كرهت احتياجات جسدها، كرهت كونها أنثى .

وفي لحظات قررت أن تهرب

تجري من الجميع

جريت بالفعل بكل قوتها

حاول الأب أن يلحق بها، لكن لم يستطع.

والأمير حاول أن يلحق بها، لكن قابله جميله في الطريق
فنسي الهاربه.

أما هي فهربت إلى بعيد جداً، خُيل لها أنها ستقاوم رغبة
جسدها وأن صراعها قد انتهى.

قصت شعرها وعاشت بين الناس بملابس رجال

لكن جسدها اشتاق للحب

اشتاق للاحتضان والمشاعر

تعذبت، وهي تدعي لنفسها أن ذلك أهون من نيران رجل
يرتبط بها.

دمعت عيناى المحاضر وهو يقول هذه الكلمات:

«في مجتمعنا الهاربه دمرت حياتها، والراضخة دمرت حياتها،
والاثنان وصلا إلى النهاية المحتومة الفشل»

هاجت القاعه بكل من فيها بكلمة واحدة «ما كل هذه الكآبة»

نظر لهم : «الآن سأشرح لكم ال ٧ بلاطات»

البلاطة الأولى:

شحن المشاعر في اتجاه الحب وجعل الإنسان يتخيل أنه الحل السحري لتحويل حياته للأفضل.

وفي مجتماعتنا بنصدر للشباب في الأفلام الحب مع الشباب الجميل اللي شكله حلو وغني، وكل البنات هتموت عليه وبيجي يختارك فانت بتتميزي عن الكل.

وبالنسبة للشباب فالبلاطة الأولى هي التباهي بالفلوس أو المناصب أو بالبلطجة أو بالفحولة الجنسية، وغيرها من الأمور. فأصبح الحب في زمننا كسوق تُعرض فيه السلع وعلى حسب ما لديك تحصل.

البلاطة الثانية:

الفشل في تحقيق نجاح من خلال ذاتي فبنجح من خلال الآخر. البنت بتحس إنها ضعيفه ومنكسرة ومش هتعرف تتصرف أو فقيرة أو معندهاش معرفه وعلم وحكمه فبتدور علي الرجل اللي عنده دول علشان تحس بالنجاح وهي معاه، ولكن بتضحى بكثير قوي في سبيل ده.

الراجل بيحس إنه ضعيف شخصيه فيحب بنت يسيطر عليها،
أو بنت أقل منه كل ما يعمل حاجه تنبهر بيه وهكذا.

البلاطة الثالثة :

صراع الخبرات والآراء

البنت تسمع من صاحبته ومن مامتها ومن جاراتها ومن كل
حد يدي خبراته في الجواز وما بين الصبح والغلط ما بين اللي
بيخوف واللي بيحلم بالدنيا وردى وما بين اللي بيسودها خالص.
والولد بيسمع عن نكد البنت والمشاكل والأزمات والالتزامات
وكل حد يديله خبرته.

البلاطة الرابعة :

تشويه الأدوار

البنت بتتعاكس وتتسمع وتتربي على إن فيها جزء من
جسمها يحمل عار للبيت وليها ودايما بتتعامل بأسلوب فيه إيحاء
مستمر للجنس حتى ولو كان غير مباشر.
الولد طبعا من أصحابه والأفلام والقصص اللي بيسمعها
بيكون ثقافه جنسيه تخليه مشوه .

البلاطة الخامسة :

بتكون مقارنة

البنيت بتقارن حتى ولو بشكل لا واعي بين جواز أمها وصديقاتها
بمنظومة الجواز ككل
والولد طبعاً يشوف في الست الوالدة الزوجه المثاليه أو الزوجه
اللي لازم أبعد عن اختيارها.

البلاطة السادسة :

الاستسلام للواقع

البنيت هتستسلم بعد ما تشوف أن مفيش أي شئ مختلف وإن
كله بنفس الشكل فيكون أي زوج وخلص
الولد بيستسلم أن دوره في الحياه وإنه لازم يتجاوز

البلاطة السابعة :

النفور

البنيت ممكن تنهرب من العلاقه الجنسيه بعد الزواج وتحاول

إنها تتحجج، أو تحاول مع حد ثاني أو تدمن عالم البورنو.
الولد ممكن يهرب لحد ثاني أو يبعد عن الجنس تماما أو يدمن
عالم البورنو.

دول ال ٧ بلاطات اللي بيبينيهم المجتمع والخصم الحب

آسف إنني هقولكوا إذا كنت عايز تحب فعلا

لازم تعرف ال ٧ بلاطات دول

البلاطة الأولى:

الحب ملوش سن محدد

يعني سن ال ٢٠ مش سن لازم فيه أقابل الحب

الحب حالة إذا تأهلت إنني أستقبلها سأشعر بها في أي سن

البلاطة الثانية :

الحب مش لرغبتني في أن يكون ليا شريك من الجنس الآخر

لكن يقابل شخص من الجنس الآخر بيولد جوايا رغبة

شخصيه إنه يكون شريكي والرغبة دي بتكون موجه ومحدده له هو

شخصيا مش لحد ثاني

يعني مشاعري إني أقول وأستمتع بكلمة بحبك هي خارجه
لشخص معين ومينفعش تطلع لغيره

الفرق بين مشاعري العامة إنها ينفع تطلع لأي حد مهما إن كان.
لكن المشاعر الشخصية هي لإنسان معين ومحدد وهو السبب في
ميلاد هذه المشاعر.

وتكون هذه المشاعر مناسبة لشخصيته وملائمه لمشاعره
ومريحة له فالمشاعر العامة قد تكون مريحة في البدء، لكن بعد
وقت تذهب راحتها مع الريح ونحتاج إلى مشاعر شخصية خاصه
تكون مناسبة لنا بصفتنا

البلاطة الثالثة :

براجع معلوماتي عن دوري في نوعي اللي علمهوني المجتمع
على دوري في الحياه كإنسان

يعني أنا نوعي ولد هراجع المجتمع علمني الولد ده دوره إيه على
حسب مبادئ الإنسانية.

فاكتشف مثلا أن دوري إني احتوي مش أضرب

لو أننا نوعي بنت هراجع دوري في المجتمع إني بخدم جوزي وأولادي على حسب المبادئ الإنسانية هرفض ده وهقرر أن دوري إني بخلق أساليب ووسائل بيها الحب لجوزي وأولادي علشان أكون مصدر طاقة إيجابيه ليهم.

البلاطة الرابعة:

أنا مختلف عن أي حد

مش معنى إن فلان فشل في زواجه إن منظومة الزواج فاشلة.

قد يكون الشخص الفلاني لم يسعَ إلى تغيير مسار زواجه أو أن له ظروف غير الظروف التي ستوضع فيها أو أن شريكه طباعه مختلفه عنه ولا يستطيعان التأقلم.

فهذا لا يعني حتمية فشلي أنا أيضا

فقد يدخل فصل كامل للامتحان ويخرج ويكون لكم منهم رأي مختلف في الامتحان.

فهذا لا يعني استطاعت أي شخص منهم أن يكون مقياس عن هذا الامتحان.

فبعضهم لم يذاكر جيدا وبعضهم من بتوتر وبعضهم من
لديهم ظروف خاصه وهكذا

وبذلك فإن ظلم لنفسك أن تسمع خبرة شخص وتعممها
على حياتك

البلاطة الخامسة :

الارتباط محتاج إني أتعلم بس مش من خبرات شخص أو اثنين
أو ١٠٠ لكن من منهج علمي

إذا سألتك الآن هل تعرف أن ترسم

قد تقول لا

سأشبه لك نفسك في علاقة زواج بدون تعليم كإنسان يقول
أنا لا أعرف أن أرسم، ولكن متى تأتي الفكرة سأرسمها.

إنت بتقول أنا معرفش عن الجواز بس متى هتجوز هعرف
أعيش .

ده أهم خطوة في طريق تدمير حياتك الزوجيه من قبل ما تبدأ.

مينفضش أجيب إنسان عاش في إنجلترا وأقوله عيش في مصر

بدون ما أعلمه إزاي يتأقلم مع المجتمع المصري اللي له قواعد
وتقاليد غير اللي كان عايش فيها .

فطبيعي أتوقع إنه ممكن يعمل شئ مجرم في بلدي زي تعاطي
الخمر بدون ما يدرك أنه جريمه وقد يتعرض لعقوبه وهو لا يدرك
ما ذنبه .

الأول بعلمه قوانين البلد وأعرافها

مش بعلمه خبرات حد بعينه الشخصيه

لكن بعلمه القوانين العامه علشان يقدر يعيش صح

وده اللي لازم كل حد مننا قبل دخول إله عالم الارتباط إنك
تتعلم .

البلاطة السادسة :

الجنس هو مشاعر شخصيه بتتكون لإنسان معين ويتكون
موجه له هو يعني مينفضعش يكون له بديل إلا لو إنا عندي خلل في
مبادئ الإنسانية .

لو مجرد الهدف من الارتباط سد طاقة جنسيه فالزواج مشروع
فاشل لأنه غير مصمم لذلك .

إذا لم يكن الرغبة الجنسية صادقة وموجهة لشخص بعينه ستكون مُحبطه إذا التزمت بإنسان واحد وبالتالي ستؤدي إلى خلل أكبر في حياتي.

البلاطة السابعة :

متستعجلش متيأس متخيلش أن البلاطات ال ٧ سهلين،
أكبر حاجة ممكن تدمر علاقة جوازك الاستعجال في إنك
تنمو وتكون مؤهل للعلاقة المستقبلية دي.
بلاش تقول مفيش فائدة من إنك تتعلم وتتغير وتعيش حياة
مختلفة عن اللي سبقوك.
لازم تعرف إن الطريق لحياة زوجية سعيدة محتاج كثير من
الاجتهاد علشان تبني العالم ده بشكل صحي وتعيش حياة سعيدة.
أنهى المحاضر كلامه وظهرت عليه علامات التعب،
ولكن انتفض كل من في القاعة يصفقون إعجابا به وكانت
نسمه منبهره بتفكيره وكلماته.

بعد ٣ سنين :

كان كريم المحاضر في قاعه بيدي محاضرة ال ٧ بلاطات
وكالعادة زي كل مرة الناس في حالة من الضيق والانتظار لنهاية
المحاضرة.

وبعد ما وضع قواعد ال ٧ بلاطات للآخر

طلب من الموجودين أنهم يستنوا هيحكي لهم جزءاً بعيداً عن
المحاضرة



خمس أيام من حياتي



+ اليوم الأول :

ذات يوم كنت أبحث وأتصفح ألبومى القديم ورأيت بعض الصور التي ذكرتنى بالماضى بحلوه ومره وهى كانت كل ما أملك بداخلى تذكرت مواقف من حياتى صباي وشبابي، تذكرت كيف كنت ومازلت أعيش طفوله لاتنتهى وأتمنى أبقى بها، ولكن لم يمهلى الزمن فعلاماته تظهر فى بشرتى، ولكن هذه الذكريات لاتبرح من عقلى وقلبى فيتوقف عندها الزمن كيف ومتى تعرفنا ومتى أحببتك ؟ وأنت لاتشعربى كل اهتماماتك ماديه فقط لم ترني بعين الحب، ولكنك رأيتنى بعين الماده والحسابات، كنت أود لو ما تعلمته اليوم إنى كنت تعلمته بالأمس البعيد، ولكن حسنا إننا افترقنا لا أعلم إن كان فرقنا فى صالحى، أم فى صالحك، ولكن يبقى أننا افترقنا فقد كنت أحتمل صعوبه العيش إن كانت الماده هى السبب، لكنى لم أحتمل قساوة قلبك ومشاعرك أشعر إن الله يحمل لى بشره ساره تعوضنى عن فقدانك، لكنى أستفيق على واقعى أننى أصبحت فى العقد الرابع من عمري، ولكن قلبى يبقى فى العقد الثانى أو أقل.

غلبنى النعاس من كثرت البكاء ولكنى استيقظت عندما دق المنبه باكرا لكى أذهب لعملى مسرعتا، ولكن تسمرت قدماى

عندما رأيتك أمامي وأنت تحاول استرضائي كي أسمعك، ولكن كرامتي التي جرحت وبقيت تنزف حتى الآن.

بداخلي صراع بين قلبي وعقلي، ولكن قلبي انتصر أن أسمع صوتك كنت في منتهى السعادة وأنا واقفه وكل أطرافى متجمدة ومضطربة، أمسكت بيدي وعيناك تدمع وتتوسل إله أن أبقى بجانبك ولا أتركك كاد قلبي يتوقف من كلمة أحبكي، ولا أحتمل حياتي بدونك.

+ اليوم الثاني :

ولكنى فتحت عيناى فلم أرَ أى شئ من هذا فقد كان حلما
جميل، ولكنى صحوت على كابوس الحياه كما هى وأنت
تركتنى بالفعل ولم أجدك ثانيا فقد صار لك زوجة وأولاد وأنا
بقيت بمفردي.

كنت أعتقد أن الحياه انتهت وسابقى وحدى باقى عمرى ولكن
كانت المفاجأة تقابلت مع زميل لى لأول مرة أراه، ولكنه كان
يحدق فىا ولم أقدر أن أبقى طويلا فقد كنت فى غايه الخجل وهو
ينظر إليّ، ولكن ليس كباقى من يطلقون عليهم رجال من يعرفون
أى امرأة من كثرت نظراتهم.

ولكن كانت نظراته إعجاب وتقدير وفى أحد الأيام كانت
هناك فرصه لنتكلم سويا فقد كان يتحين تلك الفرصه، ولكن
كان يخاف أن يجرحنى أحد بنظراته عندما يرانا معا فكان يعرف
عنى كل شئ ويراقبنى ويعرف تحركاتى دون أن أعلم ولكنى
كنت أشعر أن هناك شيئا ولا أعرف ماهو، ولكن كان لديا فضول
المرأة أن ترى ماذا يريد.

كنت أتمنى بداخلي أن أعيش قصه حب تراوضنى منذ صباي.
ولكن لا أعلم كيف ومتى سيحدث هذا فى حياتى أم هو حلم
يراوضنى ولن يتحقق.

وحانت الفرصة التى كان ينتظرها وجمعتنا حجرة واحده
وعمل مشترك فى امتحانات الطلاب وتحدث معى وأخذنا
نسترسل فى الحديث ولم أشعر بالوقت على عكس ما كان يحدث
عندما أقابل عريس ولم أرتاح له أشعر بالوقت ثقيل ولا يمر وأشعر
بالراحه عندما يمضى، ولكن هذه المرة كان الحديث شيقا وطلب
منى رقم هاتفى كزميل، وقال لى لو مش موافقه بلاش
أنا أود أن أتكلم لديك وقت أطول فأنا أشعر براحة عند
الحديث معكى.

وافقت وأنا مترددة ولكن أعطيته إياه فاتصل مؤخرا وأخذ
يتحدث عن نفسه وأنا مستمتعة وتعودت على اتصاله دوما، ولكن
دون أن يعلم أحد، ولكنى كنت منتظره منه كلمة واحدة لم
يقلها حتى الآن وتوقف عن الاتصال وسألت عنه زملائنا قالو إنه
فى إجازة أسبوع

كنت قلقه ومتوتره لا أعلم لماذا فلا شئ يربطني به، ولكن
عقلي مُشتت وقلبي مضطرب.

هل لأنسى اعتدت على وجوده في حياتي لا أعلم أحببته لا أعلم
مشاعري مختلطه.

حاولت أن أظهر كعادتي بشوشه ولا يهمنى شئ، ولكن عيناي
تفضحاني.

فكانت تأثه تبحث عنه في كل مكان.

+ اليوم الثالث :

مرت ثلاث سنين أقصد ثلاثة أيام فكأنهم سنين

وأنا لا أعرف عنه شيئا وفى ثالث يوم لم أصدق ماحدث وكأنه
عرض فيلما سينمائيا .

حينما دق جرس الباب فتحت دون ترقب ولم يجول بخاطرى
أنه هو كاد قلبى يطير فرحا حينما رأيته وهو يقول بحبك هل
تبادلينى مشاعرى نحوك .

كاد جسدى يرتجف من حراره كلامه الذى سرى فيه ووجهى
كله حمرة من كثرة الخجل والسعادة .

لم أقدر على النطق وانهمرت من عينايا دمعته تعلن عما
بدا خلى .

وأصابعه ترتفع حتى تمسحها ويقول حاولت أن أبعد عنكى
حتى أختبر مشاعرى هل هى حقيقيه أم مجرد إعجاب ولا أتلاعب
بمشاعرك .

لكنى لم أحتمل بعدى عنكى أكثر من هذا فقلبى كان يتوجع
كل يوم حينما لا أرى وجهكى وعيونكى اللتان سيطرا على عقلى
وقلبى منذ أن رأيته .

فلا أحتمل البعد فلم أعد أرى أي من النساء فأراكي في كل امرأة أشاهدها .

أحببتكي أنتى نعم فأحسست أنكى طفلتى المدللته وأمى الحانيه وأختى بشقاوتها وحببتي وصدقتى فلم أعد أن أترككى فما رأيكى فيا .

أنا لا أعرف منذ متى أحببتك هل اليوم أم حينما رأيتك لأول مرة، أم من قبل أن أراك فأنت أعدت لقلبي الحياه بعد أن كاد يموت، بل مات أصلا وتقبلت فيه العزاء

أرى فيك أمانى واهتمامى فأنت جعلتني محور اهتمامك، بل محور الكون .

لم أصدق أن الزمن قد حرمنى سعادتي، ولكن كان يحمل لي سعادته عمرى وفرحتى

فكان يستثمرها لى كل هذا الزمان

أحلم يوم أن تكون مليكى وأكون مليكتك يوم أن نصبح واحدا وليس بعد اثنان يوم أن نلتقيا معا دون أحد يوم يداك تلمس يدي يوم تعانقنى وتشعرنى بانك مصدر أمانى .

لم أعلم كم مر علينا من الزمن ولكننا تعاهدنا أمام الله على أن نبقى سويا، ولكنى كنت أخشى أن يتركنى ويرحل ولا يعود .

+ اليوم الرابع :

كان يتملكنى الخوف فحينما شعر بمخاوفي أراد أن يطماني
فقبلنى فى جبهتى وقال لي أحبتكى ولم أقدر أن أبتعد عنكى
لحظه فأنا أنتظر أن يجمعنا بيتنا الصغير الذى هو مملكتك
سأترككى تختارى كل شئ فيه.

فأنا لم أكن أحب فيكى مميزاتكى فقط لا، بل حتى عيوبكى
أصبحت عندى مميزات.

كاد قلبى يتوقف وأنا ألبس خاتم رباطنا المقدس من كثرة
فرحتى التى لم أعد أصدق نفسى، وكل أحبابى حول أهلى
وأصدقائى وأخوتى الذين أحبهم ويشاركوه فى قلبى فلم تكتمل
فرحتى بدونهم.

ولكنه اختطفنى من بين الناس وذهبنا لمنزلنا السعيد، ولكنى
كنت مرتعبه منه فقد كان يتمتم فى بعض الأوقات بكلمات
تخيفنى، ولكنى رأيتة فى حنانه ليس له مثيل فقد حملنى
كالأطفال حتى أدخلنى غرفة نومي، ولكنه احترم رغبتى أنى لم
أتعود على تبديل ملابسى أمام أحد وأصابعه التى تغلغلت وتلمست
جسدى وأنا ارتعش خوفا فقد تركنى حتى أطمأن وأتعود وجوده

+ اليوم الخامس:

مرت شهور وأنا متخوفه أن لا أنجب فقد تخطينا وقت الخصوبه
ولا وقت للانتظار وحينما أعرف أنه لم يحدث حمل أبكى وبتملكى
الحزن، ولكنه فى وسط هذا أراه يخفف عنى ويقول لى أنا مستمتع
معكى ولا أريد أن يأتى من يشاركنى حبك.

ولكن حينما يريد الله بأن كل هذا الحب يكون له ثمرة تكبر
وترعرع وتحوز كل اهتمامنا، ولكن كنا نخاف أن نتركه وحيدا
ونرحل ذات يوم قبل أن يشدد عوده فكان يعمل جاهدا أن يؤمن له
مستقبله.

أصبح لدى شمس عمرى وقمرين فزوجى هو شمسى الذى ينير
طريقى ومنه دفئ قلبى وابنيا هما أحلى مافى حياتى ربيتهما فى
مخافه الله وحبه وليسوا أولادى فقط فهم أصدقائى وكل ما لى
فى هذه الحياه فلم أعد أطلب من ربى أكثر مما أعطانى غير
أنهما يكونا فى أحسن حال وأرى أحفادى الذين هم أعلى وأعز
من أولادى.

مرت السنين ومرض زوجى ولم أترك أحدا يخدمه غيرى فهو
مسؤوليتى وأنا محبوبته وأعتقد أنه لو أصابه مكروه لم أحتمل أن
يتركنى ويرحل بدونى فقد تعاهدنا سويا ألا نترك بعضنا.

ودي كانت نهاية الخمسة أيام من حياتي ويدور في ذهني هل
ستحقق هذه الأيام وسأكمل القصة كما كتبتها أم أنها ستظل
مجرد حبر على ورق ولن يلتقي الخيال بالواقع.

فأنتم عرفتموها نهاية القصة، ولكني ما زلت منتظرة الزمن يمر
لأعيش باقي القصة.

أشار كريم بيده إلى سيدة تجلس في منتصف الصفوف وسط
الجالسين في المحاضرة

إنها نسمة زوجتي وكانت في أحد الأيام تستمع لتلك المحاضرة
وبدأت من هنا قصة حينا .

وعملت معي محاضرة من يومها لم نفتق لحظة
وقد قررت أن أقرأ لكم اليوم كلماتها التي حلمت فيها بسنوات
زواجنا لاعترف لكم وأمامكم أنني أحبها
وأي نجاح حققته من استمرار المحاضرات هو يعود إلى دعمها
ووقوفها بجانبني.

وتقدم كريم وقبل يد زوجته الجالسة
وصفق الجميع لهذا الحب ولتجسيد ال ٧ بلاطات أمامهم في
علاقه حية.